

宋朝大詔令集

宋朝大詔令集卷第二百六

政事五十九

貶責四

施邈責散官制 元豐

勅都官負外郎分司南京施邈爾素行鄙醜教習邦憲今既以首郎分務而歸尚不悔悟恣為姦利于撓州邑觸法抵禁益甚前日汗辱冠冕斯可謂無恥之恥乎清議之所共廢朝廷之所不容黜州團練以警貪墨可責授檢校水部員外郎充舒州團練副使不發書本州公事

沈括罷黜制 元豐

勅惟懷近臣朕所與圖事揆策用休等威者也苟無忠固一心而首鼠兩端則法所當加誼不得赦具官沈括朕自拔擢真之侍從創法

立制汝皆與聞而始不熟計利害終則挾持浮說進退希旨反覆異言腹心如此朕何望哉默守方州職兼書省猶為恩貸徃自循思可

鄧潤甫落職知某州制元豐

勅中司之任以督察不法為職朕之倚信衆所準平事苟失情義難瓶法具官鄧潤甫蚤繇器使擢列禁嚴任總臺綱典治詔獄而乃奏事不寔奉憲失中言涉詆欺內懷顧避宜從顯黜以肅庶士退蒞方州並解近職徃務循省體恭恩容可

陳繹降官落職知建昌軍制

勅太中大夫充龍圖閣待制知江寧軍陳繹職居近列出殿大邦而規利營私冒法抵禁有司惧獄情實用乎大赦罪至於除名而論賊至於自盜法所不容朕猶爾惻然官奪職尚蒞一軍徃其慎哉以事終保可落龍圖閣待制特授中大夫知建昌軍

右諫議大夫知集賢院學士蘇頌降祕書監集賢院學士知

濠州制

勅京尹以平刑理究察吏屬為職近臣以徇公滅私一意奉上為
宜苟異于所義當譴黜禁擢置侍從以畿部之政而阿黨庇親棄法
縱心撻語交關與為道地不平有迹聞事于朝乃叶有司竊易文牘
姑欲蔽匿重成詆欺褫秩諫垣徃常偏郡其務循省毋忘寬恩可

太皇太后內出責軍器監丞王得君詔

侍君上書云公建言者不深推本末乃斥

先中以等名而日法討直之譽後土木乾卦為辭詆

予方開廣言路得君上章謂言事者自治訐直之譽杜塞人言無狀
若此可罷職與外任監當

李定責授朝請大夫少府少監分司南京滁州居住制

戴天履地共知不孝之刑自古及今孰為無母之國苟隳風教必正

條軍具官李定服儒衣冠誦古道義權起小吏遽為遵臣而初無欲報之情終獲所生之性母懷愛也雖禽憤且知之人言孔多良足愧悼務忠所事何善可稱天理人倫汝乃自絕典刑公議大復美言可特授朝請大夫少府少監分司南京於滁州居住

范子淵降知政州制

元祐元年

勅朝請大夫新差知兗州范子淵汝以有限之材興不可成之後使無辜之民置之必死之地橫費之財猶可力補而既死之民不可以復生此議者所以不汝置而朕亦不得行赦原也夷陵難小尚有民社朕有愧於民而於汝則厚矣可依前官知峽州

賈種民呂升卿知軍通判制

勅駕部員外郎賈種民吏部員外郎呂升卿天下有道士知分義流品清濁各有攸處如種民升卿亦不汝棄往服寵為命蓋祇厥官種民

可差知漢陽軍并卿可差通判海州軍州事

楊伋落職知黃州制

勅國家臨御百年哀矜庶獄好生惡殺視民如傷六聖一心簡在上
帝而市井無賴譖誅公行若廷尉治獄不苛獄官議法有守剛仁聖
在上姦宄自清豈有數年之間坐致萬人之禍死者不復誰任其辜
知廬州朝奉大夫充寶文閣待制楊伋以患失鄙夫之心而竊秉君
子之器欲與群小共分告緦之巧專務巧詆以成疑似之罪試加復
視寬狀了然公議不容彈章交上卿從附下之罰少謝無辜之民服
我寬恩益務循省可落寶文閣待制依前朝奉大夫差知黃州

呂惠卿青授建寧軍節度副使本州安置制

元祐元年六月辛亥

元兇在位民不奠居司寇失刑士有異論稍正滔天之罪水為棄世
之規具官某以斗筭之材挾穿窬之智誦事宰輔同升廟堂樂禍而

貪功好兵而喜殺以聚斂為仁義以法律為詩書首建青苗次行助
後軍輸之政自同商賈手實之禍下及雞豚苟可蠹國而害民率皆
攘臂而稱首先皇帝求賢若不及從善如轉圜始以帝堯之仁姑試
伯繇終然孔子之聖不信宰予發其宿姦諷之輔郡尚宜政過稍昇
重推復陳罔上之言繼有碭山之貶反覆懲誠惡心不悛躁輕矯誣
德音猶在始與知己共為欺名喜則摩足以相欣怒則反目以相視
連起大獄發其私書黨與交攻幾半天下姦職狼籍橫被江東至於
復用之年始唱西戎之隙妄出新意變亂舊章力引狂生之謀循致
水樂之禍興言及此流涕何追追予踐阼之初首發安邊之詔假我
號令成汝詐謀不圖渙汗之文止為款賊之具迷國不道從古罕聞
尚寬兩觀之誅薄示三危之寵國有常典朕不敢私

張誠一責授右千牛衛將軍分司南京制

勅孝治之極天下順之不予之罰民不輕犯而貴近之間尚有誠一
朕甚傷之乃者姦言鼓行蠹國殘民之狀論者紛然方議其罪而悖
德隱惡達于朕聽考寔其事至不忍言詩不云乎行有死人尚或殛
之禮回父沒而不能讀父之書何以為手澤烏今汝之所為者何為
至此極也縱朕不問汝亦何顏處搢紳之列乎相州觀察使知潞州
張誠一可特授右千牛衛將軍分司南京

吳居厚責成州團練副使黃州安置制

勅朝請即充天章閣待制知廬州吳居厚大為吏有體事上有方苟
異於斯何所不至爾使東道事任豈輕曾不是思獨以利賄邀功造
事害金一興而傷財蠹民不可勝數出納有量爾率私意以収贏課
入有程而挾公威以剝下怨讟並作達予聽聞一方何辜罹爾蠹疾
有司驗狀誕謾庸違人之無良乃至于是罔上蔑典雖古有誅黜貳

州團用中國法無忘循首服我寬恩可特責授成州團練副使黃州安置

邢恕責知隨州制

勅具官邢恕西臺侍從敷行訓詞興闡政幾選掄至重爾早登儒館驟陟臺郎而游歷貴權全非檢慎採之群議難寘近班尚假一麾伴之循省益思矜恕罔蹈後艱可依前承議郎權發遣隨州

呂嘉問責授本官知淮陽軍制

勅朝散大夫試先祿卿呂嘉問汝言利則析秋毫矣夷考其事則不掩焉蓋與吏為市張虛羸而冒寔賞自先帝時置吏鈎致而詭盜折開出入不可知民至有破產流離而不能償負者欺誕如此予何賴焉尚假一麾臨長軍壘往宜循省服我寬恩可特授依前官知淮陽軍

蔡確落職知安州制

勅朕體貌大臣務全終始善則藩飾褒顯以風勵天下有過則遷就避諱以曲全舊恩至於用法蓋不得已具官某早以才力奮於下僚旋蒙器使致位元宰第碩不類貪冒有素而溺於私愛以廢公議曲從舉吏之請遂成黜貨之辜其隔奢淫繼之狀理無不知而誣養蒙蔽之甚殆非體國致煩言之並作雖欲宥而不能黜守小邦仍視舊職往自循省尚體至恩可落視文殿學士依前正議大夫知安州

蔡確責授左中散大夫守光祿卿分司南京制

人臣之義莫大於愛君天下之誅無先於訕上其官某姦回無悛險詐不疑以舞文巧詆為身謀以附下罔上為相業先帝與子何云定策之功大母立孫乃敢貪天之力陰得朋邪之助顯為衆正之仇日者寵榮元滿於宰司贓賄貫盈於季第坐觀侈靡之無度不問貪叨

之所從徺若不知潛與為地朕既屈邦憲而竄碩萬死又抑人言而致卿兩全曾不反思尚茲歸怨形於詛斥播在詠歌託深意以厚誣包禍心而莫測味斯人之作見切憤於權宜覽觀水之章知樂達於變故夫豈沾沾而多怨蓋皆怏怏之餘言朕雖欲容法不可赦攷楊惲南山之句彼若無情方孔融北海之談汝為有實置之于理誰曰不然猶念朕肱曲全體貌徐為進退之禮慎保終始之私尚以列卿俾司留務卿著為臣之戒用嚴垂世之規徃服寬恩毋貽後悔可

蔡確責英州別駕新州安置制

元祐四年正月

勅聖人察言以觀行要在去凶春秋原意而定誅貴乎當罪義之所
在朕不敢私責授左中散大夫守光祿卿分司南京蔡確象恭滔天
懷謖迷國巧於詞候有同林甫之姦思於織羅無異俊臣之酷同
林甫之深阻不易寃守忠義痛心於四海循良側目於兩朝家精
盧杞之姦邪信其難料

之歎昧而不知已求之禍大而莫解陰遣腹心之黨自稱社稷之臣
欺惑衆人徵圖後福而賴神奪之鑑天誇其表使以不道之言發於
緣情之作險意潛驚於群聽配辭明紙於慈闈雖朕德之所招顧母
慈之何負昨奉聖訓稍從寬科而公議沸騰予心惜世未喪朋邪之
氣祇傷崇孝之風欲有大功已見視其之志耳非佳語何疑崔爽之
書宜正典刑以威姦慝假再生於東市保餘息於南荒不獨成朝廷
今日之安蓋將為邦國無窮之計往服矜貸無忘省愆可特責授
蘇軾落職奉官知英州制紹聖元年四月壬子

訕上之惡衆慙厥愆造言之誅法謹於近矧彈章之存至孰公議之
敢私爰正常刑以警列位端明殿學士兼翰林侍讀學士左朝奉郎
知定州蘇軾行污而醜正學辟而欺愚頃在先朝稍躋青貴不惟喻
德之義屢貢懷諶之言察其回邪靡見聽用遂形怨誅自取斥疎肆

予纂服之初開以自新之路召從方郡服在近班弗訛爾心覆出為
惡輒於書命之職公肆誣實之辭凡茲立法造令之大經皆曰靈國
客民之弊政雖託言於外以責大臣而用意之私是害前烈願威靈
之如在豈情理之可容深惟積辜宜竄遠服祇奪近職尚臨一拜是
為寬恩無重來悔可特落端明殿學士兼翰林侍讀學士依前左朝
奉郎知英州

呂大防落職降官知隨州制

紹聖元年六月甲戌

朕昔嗣位之初哀迷在疚宜仁聖烈皇后受託神考專佑朕躬屈攬
繁機事非獲已故亟進二三大臣委以政事無幾協濟共揚遺烈觀
文殿大學士左光祿大夫知永興軍呂大防被遇先朝早歷禁從召
寘丞弼進登軍事而乃孝時變故密送姦回初則朋比家司繼則竊
弄國柄力引死黨分置要地因緣論事假託訓辭誘為姦言務快私

忿謂簾帷可以欺罔謂諒闇可以面諷凡經邦垂世之遠圖與理戎
斥地之成算或妄肆改作自矜變法之功或輕用棄捐意歸黜武之
過交通近習紊亂官儀睥睨兩宮呼吸群助恭惟太母本以保輔為
懷豈以紛更為事敢誣累於慈訓見包藏於異心國論沸騰邊患滋
熾遠于親政猶爾擅朝悖德自如姦狀斯顯尚務存於大體故深過
於群言而論者交章迫以大義謂有國之常憲豈舊恩之可私薄示
降懲以謝中外其思自省毋重後讐可特落觀文殿學士降授左正
議大夫知隨州

劉摯落職降官知黃州制

紹聖元年
六月甲戌

昔者太母深處帷幄之中朕方孤立士民之上惻然在疚罔知攸濟
內則付託群公外則通達言路所賴有一德之士不二心之臣相與
戮力以康王室苟懷異意是辜委任觀文殿學士太中大夫知青州

劉摯在先帝時以館閣諸生擢任要劇雖中坐薄累終不汝遺夫何
仇嫌乃懷怨誹自長御史至登宰司始以傳會權臣奉承風旨既又
密布私黨倡導邪謀論議交通蹤跡詭秘誣詆聖考惡視朕躬首陳
變法之料終成棄地之令縱釋有罪以歸怨公上行戮矣已以誘脅
衆心害誠忠良不獨遂中傷之計窺伺禁省將密為離間之謀有臣
若斯維國之醜向雖從於罪免猶曲示於保全夙負益彰群言荐至
欺天之惡非公論之可容罔上之誅願常刑之取寔聊從薄責以示
舊恩其務省循毋重來悔可特落觀文殿學士降授左朝議大夫知
黃州

蘇轍降官知袁州制 同上

事君者有犯勿欺所以盡為臣之節無禮必違豈容迷慢上之誅太
中大夫知汝州蘇轍父子兄弟扶機權變詐之學驚愚惑衆轍昔以

賢良方正對策于庭專斥上躬固有異志有司言輒懷姦不忠如漢
谷永宜在罷黜我仁祖優容特命以官在神考時獻書縱言時事召
見詢訪使預討論與軾大倡醜言未嘗加罪仰惟二聖厚恩宜何以
報垂簾之初老姦擅國置在言路使訛先朝乃以君父為仇無復臣
子之義懷忮深阻出其天資援引佞浮盜竊名器專恣可否疇敢誰
何至與大防中分國柄固上則合謀取勝徇私則立黨相傾排嫉忠
良眩亂風俗朕既洞察險詖猶肆誕設假託虛辭規喧朝聽比雖薄
責未厭公言繼攬奏封交疏惡狀維爾自廢忠順之道而予務全終
始之恩再屈刑章尚假民社往自循者毋速後愆可特降授左朝議
大夫知袁州

蘇軾散官惠州安置制同上

左承議郎新差知英州魏軾元豐間有司奏軾罪惡甚眾論法當死

先皇帝特赦而不誅於軾恩德厚矣朕初嗣位政出權臣引軾兄弟
以為已助自謂得計固有悛心忘國大恩敢以怨報若譏朕過失何
所不容仍代予言誣詆聖考垂父子之恩害君臣之義在於行路猶
不戴天願視士民復何面目乃至交通閹寺矜詭倖恩市井不為播
紳所恥尚屈典章但從降黜今言者謂軾指斥宗廟罪大罰輕國有
常刑非朕可赦有爾萬死竄之遐服雖軾辨足惑衆文足飾非自絕
君親又將奚憚保爾餘息毋重後悔可特責授寧遠軍節度副使惠
州安置

梁燾落職降官知鄂州制

紹聖元年六月乙酉

致宮廢忠聖朝共惡諛說矜行朕師是驚既辨厚誣宜申明罰資政
殿學士中大夫知鄂州梁燾自登禁從嘗長諫垣議論無補於朝廷
毀譽悉符於朋黨倡道群小依憑所親巧構邪謀力圖激怒振取疑

似之語指為呪詛之端首陽采苓嗟諫言之可畏南山種豆迹寃狀之甚明使顧命之元臣卒殞負於窮裔重罔惡聞之聽有傷初政之仁且彼未嘗矜定策之功而爾無故起貪天之謗刻意不容之若此處心積累之謂何朕弗欲匹夫之向隅忍聞一門之銜訴伏闕不已行路猶傷汝亦何顏孽乃自作聊從譴黜用示儆容尚其省循毋重後悔可落資政殿學士降授左中散大夫知鄂州

宋朝大詔令集卷第二百六

宋朝大詔令集卷第二百七

政事六十

貶責五

劉安世落職降官知南安軍吳安詩降官落職監光州鹽酒

稅務制

紹聖元年六月乙酉

左承議郎充寶文閣待制知成德軍劉安世左朝奉大夫直集賢院
管勾西京嵩山崇福宮吳安詩朕昔侍慈闈日聞聖訓虛懷兼聽惟
言路是優推心不疑惟柄臣是信爾惟與堯俞巖叟光庭等皆由權
貴親黨躡取朝廷要官未嘗一言稍近忠厚肆依群枉圖復怨仇搆
度事機謂可施於欺罔構造險語遂容行於中傷毀倡予戰之言得會
棘藩之譖論奏則合辭營惑進對則因諂誅夷乃致無辜寘于死地
自謂得計兢進華途逮于親政之初悼厥銜冤之久矧聞之屢訴

洎彈章之繼間灼見厚誣為之傷惻罪成爾手雖當日之足矜戚寔自詒豈茲時之可貸尚從薄責往服寬恩且務省循毋重朱悔安世可落寶文閣待制降授左奉議郎知南安軍安詩可落直集賢院降授左朝奉大夫監光州監酒稅

韓川孫升落職州知坊州升知房州制

同上

左朝請郎充龍圖閣待制知號州韓川左朝散郎充集賢院學士權知應天府孫升朕觀自古姦邪用事每悼正士謀去正士必藉陰險驚悍之徒為之窺伺以害不附已者隱毒竊發其傷寔多前大臣光公著來朕不言引歲叟光庭等欺罔薦惟大防摯又用安世川升等以善其後皆以凡才冒處禁署妄矜小智訛詆先烈千年之間同惡相濟豈以朕為終不足以察爾邪嗚呼不忠甚矣今首惡就斥川升何逃尚竊榮秩曷愆公論未即竄投姑爾舍儋川可特落龍圖閣待

制依前左朝請郎知坊州并可落禁賢院學士依前左朝散郎知房州

趙冲降官監當制檢合常立元祐中供納實錄院文字其間
省同奉聖旨常立罪門入趙冲叙常扶事迹內有不遜辭語三
鄂州都察支使添差監王永州府待諫追罷所傳轉運直郎依舊
更不差人奉職即知河南府府登封縣趙冲可特降授
宣德郎就差熙州茶鹽酒稅務并斗地等場
勅趙冲造言之刑見於周官訟上之隱聖人所惡爾為扶紀事欲以
傳信而措為無實之論希合背公之黨詞呂悖慢意在詆誣扶子以
同惡相濟原情定罪誅有餘責降秩司權黜之遠方是謂寬恩無忘
自訟可

范純仁降官制

結聖元年
七月丁巳

勅徇公背私所宜盡節附下同上何以為忠爾比以世臣擢預樞省
曾未稍威遂登宰司賴其悉心輔我初政方光公著大防等先後川

事汝則朋比居中傳會姦謀變亂先烈首議棄地貽患邊防輕負累
朝之恩曲成私黨之意自陷姦惡屢致群言深為涵容久屈異典聊
從薄責無怠省循可降授通議大夫依前觀文殿大學士知穎昌府

王古落職制

三若同奉聖旨王古落職制依前官知穎昌府

差下杜炎今吏部依元列部年月日名次別與合入差違

勅侍從之官朕所加禮義有可黜亦不汝私朝請郎充寶文閣待制
知廣州王古外邀靜重之名陰懷向背之計曩使淮許事狀其存指
平歲為凶荒以殍民為餓殍妄散邦物希合權臣朕姑務矜容置而
不問貶之廢服無能改圖而兩閣謝章公肆妄誕締交合黨則餘力
不遺於私門稱德歸息則一言不及於公上為臣若此且安用之視
職近班點守一郡俾其自訟務補厥愆可落職知袁州

張巽降官鄧州都監制

勅逐省副使張嬰爾父茂則儒者幸時變故包藏異心援引姦凶表裏倡和已復追貶稍正典刑爾憑藉世濟躡選官次卿從降秋尚體寬恩可特改授皇城副使添差鄧州詐監任滿吏不差人仍放謝辭

楊畏等降官制

勅楊畏等先勸其厚為失勸施行不合併文

一官罰相二十斤奉勅

依下所楊畏祝底並降承勅即能此

禮部廣並降

即許即許大市降刑散即任正躬持版人張先

一官勅得均展三期叙

勅爾等侯嬰首賜舊著明文吏緣為姦盜費庫物外臺舉發案牘已明爾等職在詳刑而觀望附會故縱有罪覆陷無辜積年稱冤乃今獲當理當重然以警官邪特以更恩聊加薄責降校一等以示創懲可

范祖禹趙彥若散官安置制

熙寧元年十一月甲午

朕以眇末紹承聖緒大懼不能發揚先帝成功盛德義詔儒學之臣

給次大典於以章示至公傳信萬世明明在上其可厚誣龍圖閣直
學士左朝奉大夫提舉亳州明道宮范祖禹翰林侍讀學士中大夫
提舉泉州仙源縣景靈宮太極觀趙彥若名列從官職在太史周念
朝廷之屬任專懷朋黨之私思依憑國書疵缺先烈變亂事寔輕徇
愛憎奏篇累年公罔朕聽逮寃厥寃語多無從覽之矍然靡自皇處
得罪宗廟朕何敢容古有常刑宜即誅殛尚茲屈法聊示竄投朕
寬恩無忘自訟祖禹可責授武安軍節度副使永州安置彥若可責
授安遠軍節度副使澧州安置

黃庭堅治州別駕黔州安置制

紹聖元年十一月甲午

差朝奉郎充集賢校理管勾亳州明道宮黃庭堅爾擢於諸生使預
著作罔念朝廷之屬任專懷朋黨之私思依憑國書疵缺先烈變亂
事寔輕徇愛憎古可常刑宜即誅殛尚茲屈法聊示竄投朕寬恩

無忌自訟可責授涪州別駕黔州安置

陸佃落職知河陽制

紹聖二年二月庚午

朕以先帝休德鴻業當其載信史以光昭無窮故擇儒臣委其譔次仍俾掌弼總司厥官而不逞懷邪忠為誣毀屬顧愆其太甚顧多失於從寬丁憂人前左朝請郎充龍圖閣待制陸佃駕由諸生致身禁從指預史事多思歲時俯仰順從姦阿泥然曲徇群姦之意苟幸一身之安謂爾有所建明固未嘗爭論而去謂爾因為譏訛則於今其叢不存進退之間風節無取雖言章沆至衆弗汝容然罪疑惟輕古有成詞姑就延閣用獻師言勉自省循以稱矜貸可落龍圖閣待制依前左朝請郎知河陽

呂大防修宮安州居住制

紹聖二年二月庚午

朕來惟先皇帝一朝大典萬世信書安命相臣專董其重宜率厥屬

協于至公自牛典刑朕安敢貸降授通議大夫秘書監分司南京呂
大防違義特達更踐高華憑據宰司輕視天下總領論譏既公肆發
誕謾用意詆欺復手加於筆削移迓君父虛美故臣肆爾朋邪罔上
之姦拂朕追孝述先之志昔馬遷良史猶號謗書會昌權臣擅改寔
錄收為訛點曹鼎顧嫵厯考舊聞無甚於日矧以躡遠賞典自處恭
然怵利怙權前無故事屈用惟輕之典止還月進之官物議弗堪彈
章交至再削文階之次仍聯分務之名易自郢邦處之安陸申儆凡
百宜體朕懷可特降授中大夫中允祿卿分司南京安州居住

曹肇降修撰知滁州制

同上

罪疑惟輕古有成訓罰未稱罪人其謂何左朝奉大夫充寶文閣待
制新差知滁州曹肇早列史官職司大典久於謬述多厯歲事偶未
終篇因屬補外比加核定灼見姦誣雖爾於今具藎不存顧昔未嘗

爭論而去乃付支郡未厭公言謂爾非特無所建明願亦稍預筆削
宜然從官之籍尚聯書殿之名服我寬恩勿忘猶爾可落賢文殿待
制特授依前左朝奉大夫充集賢殿修撰知滁州

常安民送部與監當制

紹聖二年九月壬戌

監察御史常安民立心凶險處性頗邪荐致人言其狀甚著得之要
路誠非所宜可能監察御史送吏部與監當差遣

再責范祖禹劉安世詔

紹聖三年八月庚辰

責授武安軍節度副使永州安置范祖禹責授奉議郎試少府少監
分司南京南安軍居住劉安世在元祐中構造誣謗靡所不至迹其
用心宜加誅殛卿從遠竄以示寬恩范祖禹特責授昭州別駕賀州
安置劉安世特責授新州別駕英州安置

呂大防責散官安置制

紹聖四年二月庚辰

朋姦擅國責有餘辜造訛欺天理不可赦其加顯然以正明刑降授
中大夫守先祿卿分司南京安州居住呂大防資性異頑心術狠戾
背天地之恩於先帝廢君臣之禮於朕躬登冢司竊弄威柄列布
私黨競分權要假借誣辭以變更良法網羅空語以增飾謗言乃至
擠陷舊勳棄捐邊要內結近習陰懷異心外連群凶力捍新政罪寔
同於元惡法當置於嚴誅而事久益彰罰輕未稱朕追念前烈究觀
衆言義不敢私恩難獨貸朕伏散秩授畧遐方懲該國不道之愆為
垂世無窮之戒尚思循省勿重悔尤可責授舒州團練使循州安置

宋朝大詔令集卷第二百八

政事六十一

貶責六

劉摯散官新州安置制

紹聖四年二月癸未

訕上之姦衆所共棄刑故之義朕何敢私降授左朝議大夫試光祿卿分司南京新州居住劉摯趨操回邪性資險譎嚮由言路力附黨魁倡和姦謀毀黜先烈視朝廷為虛器以君父為深仇成法舊章肆意變亂不踰數載竊據宰司並引凶人布滿要路根據盛大振主國私嚮以積惡貫盈雖從竄斥而責輕罪重公論未平且降散官授之四裔勉思惕厲體我寬恩可責授新州團練副使新州安置

蘇轍散官安置制

同上

朋姦擅國責有餘辜造訕欺天理不可赦其加顯戮以正明刑降授

左朝議大夫試少府監分司南京筠州居住蘇轍標傾側孽臣之心
決縱橫策士之計始與兄軾肆為欺罔同相光協濟陰惡謀無根
之辭而欺世聚不逞之黨以蔽朝謂邪說為讜言指善政為苛法矯
誣太后愚弄冲人助成姦謀交毀先烈發怨慙於君臣之際忘志悼
於父子之間陰懷動搖公肆排訐粵予親政尚爾撓推持罔上之素
心為怙終之私計罪同首惡法在嚴誅而事久益彰罰輕未稱朕顧
瞻厥廟跋扈裕陵義不敢私恩難以貸點居散秩投置遐邇非徒今
日知馭衆之威亦使後世識為臣之義勉思寬憲務盡往愆可責授
化州別駕雷州安置

梁燾安置制

同上

誣君欺天罪孰與大背公死黨法所必誅降授左中散大夫守少府
監分司南京鄂州居住梁燾嚮附凶渠權在謀議陰與于堦構造邪

謀詆誣先朝擠陷舊弼戮棄成法薦引群凶躡居丞轄之司共成根柢之勢雖圖薄責未稱明刑授以散官投之遠裔任其惕厲服我寬恩可責授雷州別駕化州安置

范純仁責散官安置制 同上

附下罔上國有常刑定罪原情人無異罰其中邦憲以警官邪降投通議大夫知隨州范純仁立異以邀名匿情而趨利習用小夫之私智專為流俗之原人始議親稱則構誣於英祖晚言變法則歸過於先朝欺君以助邪謀弃地以聞邊隱陰連群枉協濟凶渠躡處要權盜持威柄附會一意挾持兩端迄用攀援遂尸宰輔乃復肆言慢上焚衆朋姦忘未正之典刑沮已行之命令僅從薄譴久遠嚴誅尚其獲免於終身何以示懲於後世真之遠服授以散官尚體寬恩蓋恩自訟可責授武安軍節度副使永州安置已今所在差職官或監當

官一員伴送前去終過州軍交贊仍仰所差官常切照管不得別致疎虞

劉奉世分司居住制

同上

親上尊君人臣之義懷諛速國罰其可逃端明殿學士中大夫知成都府劉奉世義由小官附會姦黨蔽布心腹踰據要途居職則有威國庠命之著奏疏則為蔽姦苟免之計凶險慘狡莫汝與儔有司失刑衆論未允宜就近職分務別都卿示創懲毋重尤悔可落端明殿學士依前中大夫行光祿少卿分司南京郴州居住

韓維落職降官制

同上

附下周上國有常刑定罪厚情人無異罰其中邦憲以警官邪資政殿學士太子少傅致仕韓維拱偽以干名抱虛而取進徇俗之意愚不可移明姦之心老莫能革爰自初政寔登近司首贊邪謀厚誣先

烈以抑燕并為繁禁以振貧既為利心恣引親私助成姦慝遂因賜
玦遂逼掛冠退有餘辜罰罪幸免雖比從於薄責寔久拂於公言褫
秘殿之崇資裁文階之峻品尚仍顯秩俾即故居益體寬矜勿忘循
省可落資政殿學士特降授左朝議大夫致仕

王觀落職分司居住制

紹聖四年
二月癸未

背公營私罪在不赦附下罔上罰其可逃竇文閣直學士朝散郎知
河陽府王觀資賦險回善於原俗附會姦黨毀刺先朝挾家連章取
必君上受亂法度擠陷善良章疏具存罪狀甚著失刑之久衆論不
平未寘深刑聊褫近職仍從分務尚體寬恩可落寶文閣直學士依
前朝散郎守少府少監分司南京通州居住

韓川等分司居住制

同上

朝請郎新差知郢州韓川朝散郎新差知道州孫升朝散大夫監潭

州衡山南嶽廟呂陶頃者大姦舊惡相繼擅朝而爾扶恣徇私為之
死黨竊據要路肆言先朝造訕興謫無所忌憚巧詆法度以遂更變
之謀歷排忠良以虛願託之任分權立黨協濟凶邪自求直名歸怨
公上積心至此議罪謂何竊務容止從降黜余言久贊風旨愈彰
既未足慰在天之靈又莫能為垂世之戒俾分留務仍處善邦往服寬
恩勿貽後悔川可依前官尚書也田員外郎分司南京隨州居住并
可授依前尚書水部員外郎分司南京峽州居州陶可授依前官尚
書庫部員外郎分司南京衡州居住

王存轉右正議大夫致仕制

紹聖四年
二月丙辰

執政舊臣告老謝事者思典禮數雖有故常而隨事重輕容或有異
資政殿學士大中大夫提舉江寧府崇禧觀王存曩由方望被春先
朝而元祐之初論事附會朕惟優禮舊輔不汝疵瑕躋進崇階聽其

希里爾尚體朕終始恩遇思所以為報之義可特授右正議大夫依前充資政殿學士致仕其蔭補恩澤并陳乞恩例各只與一名

呂公著追貶散官制

紹聖四年二月丙辰

為臣不忠罪不可赦居下訟上誅及其朋類惟凶慝之尤當明身沒之成故司空同平章軍國事呂公著資賦陰險世濟姦回盜竊虛名昧冒休寵擢贊樞府寔自先朝迨予纂承蹤待宰柄而乃協濟元惡為之主謀力引群邪布列庶位謗譖前烈變亂舊章厥罪貫盈已死難置宜從追貶易以散官雖竄殛不及其生而懲創可垂於後是維公議用告幽明可特追貶建武軍節副度使

司馬光追貶散官制

紹聖四年二月戊午

不道之誅莫先訟上無君之惡尤在擅朝罰不及身死有餘責宜加追貶用示創懲故正議大夫守尚書左僕射兼門下侍郎司馬光資

詭激之行以盜虛聲挾矯誣之言以惑愚衆述事昭著既跡顯塗尚何怨仇乃積忿毒粵朕初政肆其宿姦陰結中人聚竊宰柄倡率不逞詆訾先朝援引群凶變更良法消懷睚眦之邪計欲快傾搖之心長惡弗悛除殃自及而位存公相澤被子孫使其冒國家之繆恩何以為臣子之大戒雖逃顯戮當置散員改命九原正名萬世庶幾幽顯知有典則可特追收清海軍節度副使

王巖叟追貶雷州別駕制

誤朝之慝力引群姦附下之誅宜加首惡生逃顯戮死有餘辜典刑所存朕不敢赦端明殿學士左朝奉郎王巖叟資愴巧之智而濟以敢為挾凶邪之權而為之死黨厚誣先帝愚弄朕躬力贊邪謀陰懷異志凶德參會愴言肆行廢法度於已乎憊燕勞於必死罪惡累著鬼得而誅雖霽示於小懲顧未愾於公議朕從散秩追正明刑非獨

致朝廷之公將永為臣子之誠可特追貶雷州別駕

范純禮趙君錫馬然落職居住制

為臣之義戒在朋姦干國之刑理難縱罪左朝議大夫充天章閣待制提舉亳州明道宮趙君錫朝請大夫充寶文閣待制提舉南京鴻慶宮馬然頃在初政嘗躋近班懷藉勢乘權之心起背公元黨之計俾會邪說專為悅諛挾持陰謀共濟凶惡夙負欺君之責久逃附下之誅無以昭姦公論甚鬱宜從降黜用示創懲益體寬矜勉思飭勵純禮可落天章閣待制依前管勾亳州明道宮蔡州居住君錫可落天章閣待制依前管勾亳州明道宮本處居住然可落寶文閣待制依前管勾南京鴻慶宮單州居住

顧臨落職居住制

同上

明罰勅法者人君之要務附下罔上者人臣之大刑苟公論之未平
宜明罰之申用朝散大夫天章閣待制知歙州顧能俯仰正當少被
薦論屬緣洞察於姦謀不使起解於近列迨司留鑰復結罪閹雖因
人言嘗從貶扶責輕罪重衆不謂宜聊褫延閣之名尚假祠宮之任
蓋思補報體我寬恩可落天章閣待制依前官管勾洪州上陰觀饒
州居住

范純粹落職居住制

同上

附下之姦為衆所惡刑故之義乃邦之常公論弗容朕何敢赦降授
朝散郎充寶文閣待制知滑州范純粹傾邪險詖出於天資反覆導
諛志其父志兄弟倡和協助姦凶變先朝拓土之功成一時惑國之
議獨從薄責聊示小懲承之遺州旋復舊職失刑既久公論未平宜
褫延閣之名尚假祠觀之任體予寬宥益務自新可落寶文閣待制

依前官管勾江州太平觀均州居住

孔武仲落職居住制

同上

害正趨邪衆所共惡交私合黨罰可不懲朝散郎充寶文閣待制知
宣州孔武仲頃由遠官台置臺閣所會姦黨踴處要班遽予親政之
初敢為怙終之計失刑既久衆論未平宜褫延閣之名假以祠親之
任尚其惕厲服我寬恩可特落寶文閣待制依前官管勾洪州玉隆
觀池州居住

王汾落職依前官致仕制

同上

循分守常為臣之義抵嶮射利罰其可逃中大夫充寶文閣待制致
仕王汾早以凡才濫居儒館元祐之際附會訛欺衆論誼聞罪狀明
白有司失按衆論未平宜褫延閣之名俾仍居里之逸其益循省服
我寬恩可落寶文閣待制依前官致仕

王欽臣落職居住張耒落職監當制

同上

朝請郎充集賢殿修撰知饒州王欽臣承議郎直龍圖閣管內亳州明道宮張耒為臣之義戒在朋邪于國之刑理難縱罪爾因緣姦黨躐處要班挾持說謀鼓煽凶熾夙負欺君之責久逃附下之誅無以昭姦公論猶鬱宜從降黜用示創懲益體寬裕勉思飭勵欽臣可落集賢殿修撰依前官勾江州太平觀信州居住未可落直龍圖閣依前官添差監黃州酒稅

呂希哲呂希純呂希績分司居住制

同上

朝奉大夫權知太平州呂希哲朝奉大夫知歸州呂希純朝請大夫管勾亳州明道宮呂希績爾父公著當元祐初竊據宰司毀黜先烈變亂法度罪惡貫盈而爾等方其父時則假國威靈為已門閥及大防用事則密投凶黨賣鬻利權並以庸材因致美官最後希純竊掌

詞命公肆欺誣每虞正路之閉通務在多方而塗塞宜悉從於貶秩
或仍俾於分司庶無輕重失當之刑及夫幸免失刑之士希哲可特
降授朝奉郎尚書虞部員外郎分司南京和州居住希績可降授朝
奉郎尚書屯田員外郎分司南京金州居住希績可降授朝請郎差
遣依舊光州居住

姚勔分司居住制

同上

奉議郎管勾杭州洞霄宮姚勔附凶邪為出死力沮害良善助成
姦謀雖示小懲未厭公論宜從分務卿稱明刑益自循服我寬宥
可依前官守尚書水部員外郎分司南京衢州居住

吳安詩散官安置制

同上

降授朝請郎均州酒稅吳安世頃者群凶聚慝繼踵擅朝爾以邪明
竊處諫列鼓扇凶敵傳會邪謀送宿憾以擠勞舊之臣構險語以叶

傾搖之議遂以牆面濫侍經筵超躐等夷根據要路暨予親政復爾
帖終代行訓辭借舉嘉黨雖嘗加於薄責猶未正於嚴誅點剋州團
置諸遠服茲思自訟無重後咎可責授濮州團練副使連州安置

晁補之落校理監當制

日上

承議郎充秘閣校理通判亳州晁補之爾嚮以澄邪之資力附姦惡
之黨表裏倡和附通諛特見緝於幽人逆竊處於清貫失刑既久
衆論未平聊褫職名俾司筦樞尚其惕厲服我寬恩可落秘閣校理
依前官添差監處州鹽酒稅務

文彥博降太子太保致仕制

紹聖四年
二月甲申

行訟上之逆者不救挾無君之心者必誅邦有常刑人難冀罰河東
節度管内觀察處置等使太師開府儀同三司太原尹致仕上柱國
溫國公文彥博色厲而荏行偽而堅備公師於三朝史將相者四紀

曹靡云報尚何所仇敢乘間以抵巇遂行險以僥倖叨遺家之不造
謂貴老之可詢起於閭里退居之中付以軍國平章之重忘我大德
肆其忿心初迷國以懷緩終朋姦而善背以理財裕民之政為悉刻
其敎之科以經武斥地之勲為寇攘草竊之計於父子之間而不忘
在君臣之分而敢侮朕祇若先猷遁追來孝永念垂裕流光之烈志
資除苛解繞之言戴天靡容躋地太息有臣若此於義可乎既久益
彰欲止不敢猶以其瞻之故老假其垂盡之餘齡止解師垣仍還將
鉞庶消群慝併示至公於戲明罰正刑永為垂世之誡彰善瘴惡上
慰在天之靈往祇乃心無重來悔可落河東節度管内觀察處置等
使開府儀同三司太原尹特降授太子少保致仕依前潞國公勲封
食邑貳千封如故

宋朝大詔全集卷第二百八

宋朝大詔令集卷第二百九

政事六十二

貶責七

韓川孫升散官安置制

紹聖四年閏二月丁亥

朝請郎尚書屯田員外郎分司南京隨州居住韓川朝請郎尚書水部員外郎分司南京峽州居住孫升爾等以顯附姦凶肆為誑訕早負何譴久稽典刑嘗考發言稍申公憲而原其心跡寔厥始終罪重責輕無以懲戒罷分留務黜置散員尚慎乃心益思自訟川可責授峴州團練副使道州安置并可特責授果州團練副使汙州安置

韓忠彥降資政殿學士制

紹聖四年閏二月己丑

屈法伸恩所以國無濫罰責功捨過所以人無廢材觀文殿學士太中大夫知定州韓忠彥進由世臣摺自先帝歷濟禁從久贊事樞當

體前修以禪初政而乃助誣民之孚說行威倒之非謀方正典刑欲均罪罰朕追喪世勲勞之舊念累朝春暉之隆難奪公言稍從薄責尚申中山之重任止裁秘殿之崇資益示矜容勿念循省可依前官降充資政殿學士

鄭雍落職制

紹聖四年閏二月壬辰

砥節首公人臣之義交私害正罪罰有常經言既同朕不敢置資政殿學士太中大夫知大名府鄭雍頃由附會得列言官來時抵巇駮至承輅助成姦慝無補事功雖罷政機尚蕪近職方申明憲姑示小懲然其故官仍司留鑰是惟寬假益務省循可特落資政殿學士依前官差遣如故

安燾落職制

紹聖四年閏二月壬寅

法從貴始將以正刑罪與衆均難於異罰觀文殿學士左正議大夫

知鄭州安撫親達先帝厯真顯至職為近密之官身在受遺之列既聞未命當守初心而乃特祿保躬協謀威國依憑姦黨為已助留誣蟻勞臣隨時擠陷上章寄託久負譴何向捨往愆復還近輔尚敢飾非構異抗政徇私無助修前烈之心有黨援衆邪之迹朕明典刑以懲後世推恩義以待舊人雖抑衆言稍從薄責去侍班之峻職仍輔郡之善藩益思省愆勿重尤悔可特落觀文殿學士依前官差遣如故

葉濤罷中書舍人依前官知光州制

朕於庶言惟正之聽苟懷險詖難廢典刑奉議郎試中書舍人同修國史葉濤屬自小官擢掌誥命而乃附下罔上背公立私陰懷姦黨之恩嘗為害正之計力沮已行之誦命飾以游詞欲收異意之小人翕然歸已無所忌憚肆其悻出議罰論心宜加重黜祇從罷職仍俾分符尚體寬恩毋忘循省可特罷中書舍人依前官知光州

王珪追貶萬安軍司戶叅軍制

紹聖四年四月丁未

臣無武志戒在懷嘉國有常刑議難逃罪其中後罰以正性愆故金紫尤祿大夫守尚書左僕射兼門下侍郎贈太師王珪竊文華之上爵躬柔險之政行副致顯位還居家司先帝優容臣隣務盡禮節掩覆瑕惡多歷歲時卹山之思毫髮未報屬在彌留之際是謂憂疑之時欲豫安於人心當垂正於國本矧復昭考與子之意素以著明太母愛孫之慈初無間隙而乃妄懷窺度專務姦阿指朝廷為他家用社稷為私計同列誚結久無定言陰持兩端不顧大義僅免生前之顯戮更叨身後之餘榮公諒勿容舊疏具在返覆益驗心跡較然使其免惡於一時難以示懲於萬世貶從散秩追正誤恩庶令官邪咸知警憲可特追貶萬安軍司戶叅軍

范純粹落待制降一官直龍圖閣知延安府制

具官某惟先皇帝運神武之智選將克卒以經理疆事而復漢唐之
故壤使環邊之民奠枕內地其惠澤茂矣屬者或首為棄地之請而
邊將雷同隨聲是非益啓敵心貪冒不已此而不懲何以正法爾純
粹昔荷厚恩驟膺閭寄數陳邊事每見推稱而嘗報誕謾刻章具在
阿於所附首尾異同煩言其興衆不可蓋然朕方待物以恕庶幾獲
過以功褫職免官卿亦鮮責尚聯禁閣還帥舊藩爾其夙夜洗心永
悼朕咎勉圖來效以稱異恩可

修撰唐義問責授國副舒州安置制

具官唐義問度賞刑威以馭功罪要在當理朕不敢私爾才無他長
每懷觀望阿附時議請棄渠陽生事變係專領指責無復策畫惟肆
誕謾公檄私書明譽將佐陽為聚犒之狀收銅自歸之心俾於中宵
潛師逃遁委棄儲械陷沒居民兵夫奔馳類遭屠害猶復具奏迷曰

無傷竊實冒官自謂得計言聿交上按劾具明黜副州團尚從寬典其務循省無重悔尤可

李清臣落職制

元祐元年七月己巳

朕推賞罰之公以信天下願雖貴近朕所不私資政殿大學士右正議大夫知河南府李清臣頃在西省寔預政機宰臣蔡確以忠貶死朕每哀焉其母嘗具元祐大臣姦逆之謀叩閭奏陳副上公府爾為國腹心義當憤疾而乃絀閑不以上聞屢致人言罪奚可追姑奪近職尚俾居留往體寬恩勿忘循省可特落資政殿大學士章惇安燾鄭雍並特放罪

黃隱散官安置制

元祐二年四月甲午

朝奉郎水部員外郎分司南京睦州居住爾以諸生常被先帝拔擢不思圖報厚恩而待吏元祐託附姦黨非毀法度偷合取容雖分務

於別都未克詣於食論黜居敢秩投置遠邦勿增愆尤宜重循省可
特責授平江軍司馬南安軍安置

陳次升罷職遠州監當制

元符二年五月戊辰

朕因閱元祐臣僚所上章疏得陳次升任監祭御史日一二章奏觀
其微意極甚姦邪附會權臣詆毀先政如張官置局許之訴理其用
法過重事涉冤抑情可矜恕皆得伸雪已而乞放上供封樁錢物不
致過有誅求而民無騷擾之患之語朕嘗念容其過庶使自新畀以
諫職復敢狃習故態觀望言事多不中理久居其位殊無小補可罷
職與遠小監當差遣添差監全州鹽酒稅

故追貶建武軍節度副使呂公著追貶昌化軍司戶制

聖聖四年二月

勅量罪加刑有國常典為臣背義雖死必誅以爾被過先朝擢居樞
府迨予纂服復任軍司且竭忠謀協贊王室而乃廢體國之大義忘

事君之小心陰結姦臣私懷異意訕謗先烈變亂舊章積惡終身久
益暴露孽寔自作刑難幸逃雖嘗示於小懲尚未符於衆議是用追
貶嶺表降扶州板庶期幽顯知有所畏可追貶昌化軍司戶叅軍

故追貶清海軍節度副使司馬光追貶朱崖軍司戶制

同上

勅爾以詆誣宗廟逮誤朝廷沒有餘辜死未塞責久稽罪罰近正典
刑而隱惡愈彰公言難掩嘗與凶黨寔藏禍心妄引宣訓衰亂不道
之謀僭諭寶慈聖烈非意之事興言及此積愆謂何雖免嚴誅裁加
貶秩庶幾來世永有創懲可追貶朱崖軍司戶叅軍

劉奉世降國副安置制

勅利以正罪責不失且既荐至於人言難獨安於邦憲中大夫守光
祿卿分司南京彬州居住劉奉世回邪險譎出於天資傾附老姦助
成大惡建國不道愈久益彰念嘗俗於近司故未泐於顯惡憲臣論

奏引義甚明俾副兵團少慰公議勉自循省毋重悔尤可責授隰州團練副使依舊彬州安置

陝西運使關令降一官制

勅朕惟先帝明法慎罰欽恤庶獄簡孚閑寔可謂至公元祐權臣置局訴理陽為釋寬陰欲歛舉而汝昔蹈罪戾且益循省乃乘此時自列無辜信如所說政刑謂何有司以聞法不可倚然官一等卿示誠愆朕以仁恕待士大夫可謂至矣汝其念之

朝請郎知南京邢恕降承議郎知南安軍制

勅朕勵精庶政方以辨白是非判別忠邪為首務士有陰薄反覆詭訐不情宜寘明刑用昭公議以爾頃在先朝嘗論時政以直斥去坐擯累年與司馬光晚被收權遭逢元祐千載一時並用忠良今去繁去衆持權臣為德望舉姦黨為正人不辭超擢之名自任紛更之事逮

予觀政丞首前言范慝任情僥倖寵利希合附會莫汝甚焉此而不懲何以為誠然官三等往守小邦尚體寬恩蓋自循省可

朝散郎守少府監分司南京袁州居住王覲降某州團練副使制

朕惟熙寧元豐之間法度彰禮樂著刑罰輕重有倫有要元祐置局以名訴理凡抵罪戾一皆釋之爾蓋為言官當以禮義論列其失乃求益寬期限云欲銜冤之人皆得沈雪覽觀舊章法不能恕即申明罰俾副州團蓋思省循勿重尤悔

奉議郎知陝州降官制

朕念烈考惟刑之恤法之輕重顧義所在未嘗私也元祐訴理凡有罪慝類皆除之爾來時抵獄以為傳致鍛鍊以就深刑此為何言敢以聞上聊奪一官尚示矜恕蓋當循省以服寬恩

奉議郎新監衡州酒稅王旂降通直郎添差監潤州織羅務制爾父以獎激妄人得罪先朝爾乃稱寃自列于時元祐訴理之時奏章其存軀不可赦罷董漕運出臨推貼示為寬矜免寘重典更緣親請不遠墮行聊奪一官益思感勵

中散大夫知熙州孫路降一官制

勅安遣以仁義為本內有以拊和人民外有以輯治軍旅此將帥之臣所宜先也其位某久以才選竇踐閭寄此緣營造務濟一時官本僦車乃出抑配重困民力夫豈朕心姑黜一官尚責來効往其循省毋重悔尤

趙令傑降兩官知廣濟軍制

朕方柄賞罰以信天下不敢以私恩而撓公法雖室宗吾所至厚也或蹈罪戾亦不得以私而貸焉汝權自先朝浸更任使俾長太僕寔

典收租子妖誕設關心規利而汝既奉訓導又失檢防其用資守軍
麾點官二等往其循省服我寬恩

孫覽降兩官差遣依舊制

勅都邑浩穰之地禁戢姦盜固不可緩苟或牧養無術專為散威立
使愚民隳於桎楚何以副朕慈惠愛人之仁乎朝請大夫寶文閣待
制知河南府孫覽比繇材選起自貶中居守洛師任屬甚重為政當使
嚴而不殘迺峻鞭笞輕視人命雖志在疾惡欲示懲然使民不犯
殆不如此降秩二等姑仍舊服奉德循理尚收效於將來可臣孫覽上
南府孫覽今年二月二十六日到任為見本府舊多賊盜意欲嚴行
所地每有諸處解賊盜生害而全兵士三王人機往今節級而人更
行判并檢打少三五十多餘人例被常前掛打內十名限內身死三
其到為盜人共一百三十餘人
孫覽云云

孫路忘職知興國軍制元符三年正月

勅責唐致亂舉國來歸王膽持虛直據巢穴一失機會乃貽後艱賈
文閣直學士左朝議大夫新差知成都府孫路總制河湟身當關寄
偏裨進退號今是從宜張應援之兵以成破竹之勢而乃追還士馬
聽用讎言致生狼子之心遂肆蜂蟻之毒跳梁出沒久未克寧考按
不誣誰執其咎宜削西清之職遠分小壘之符絀往戒來以昭邦憲可

文及甫落職制

元符三年
三月甲申

勅朝奉郎直龍圖閣權發遣陝府文及甫夫君子於言益無所苟若
進退靡據何以逃刑爾服儒衣冠倖位臺省而指人不順至形新墨
使其有實胡不以聞無寔而言何異誣罔用心若此忠信何在論者
所以欲正爾之罪而朕以其數更恩宥姑示含容視職守藩尚為寬
典徃月循者毋重悔尤可

給事中劉拯罷給事中知濠州制

元符三年四
月二十三日

彰善癉惡所以勵俗舉直錯枉乃能服民朕臨致之初大判淑慝左右前後必皆端良豈容憮人尚據要近具官某識趣凡陋資稟陰邪無奉公守正之心有朋黨害正之迹誨事觀望志在阿私出言險膚情是飾情之僉議敢自朕心未正典刑尚分符竹聊示周行之戒以沮諂夫之昌澹皆寬恩徃自循省

邢恕落職分司制

元祐三年六月丙午

勅忠邪辨則內外肅是非公則勸沮行有國之經朕何收廢朝散即充龍圖閣待制新差知荆南府邢恕師縱橫之術倡浮偽之辨不思守道以來福惟知行險以僥倖滅否在口情愛由心敢為虛詞以誤朝聽廼者司馬光呂公著輒詆先烈輕變舊章著夜刻詞以正刑典用此舊罪不為無名而爾操心傾危雅意附會權為飛語上累宣仁既非親聞且無證左完其所自皆出不根使光公著被凶悖之名蒙

竄殛之罪歟天譴國賊爾之由矧爾於彼二人實門下士借譽引重
恩誼非輕一旦遽然遽為讎敵擠之下石孰謂虛言今朕既申彼之
寬還其爵秩則爾罪惡何詞以逃黜貳尚方往分留務不獨示朕辨
忠諫公是非之旨亦使自今傾側反覆之士知所戒焉朕恩甚寬爾
尚知悔可特落龍圖閣待制依前朝散郎守少府少監分司西京均
州居住

宋朝大詔令集卷第二百九

宋朝大詔令集卷第二百十

政事六十三

貶責八

熙河第三將許良肱降官制

勅西方罷兵休養士卒慎固封守乃吏之宜爾信縱遣人侵擾塞外
彼有辭訴復既不言雖更沛恩罪固難追降官一等卿示小懲並務
省循無重複悔可

安博落職制

元符三年七月丙戌臣僚言前廣東運判鍾止
省署往來統通新州所執親往新州與攝前錄官鄧浩振勤
今正甫供其所承仰史臺文移如何指樣本路如何奉行云
云三者同奉聖旨
安博落職云云

勅中憲之任肅正紀綱糾繆絕愆時惟稱職儻懷阿附誣陷忠良罔
有典刑罪馬可逭朝奉大夫實文閣待制知潭州安博自更器使碌

疎苟容被逆先朝得司邦法不思盡節期報異恩遽興羅織之文荐
搆搢紳之禍言官得罪舊無禁約爾連章窮罪逮捕無辜凡所經由
復加推究若非大沛枉濫淋漓多慘刻若斯實駭聞聽夫親戚故舊急
難相明人之常理會是弗顧肆爾姦心朕雖含容衆不爾貸特褫近
職尚仍舊職茲自省循服我寬典可

陳璣罷司監添差監揚州糧料院制

元符三年九月辛巳至

上章其言宜太后與政事所命皆下詔
可罷右司諫依前承詔即添差監揚州糧料院

勅諫省之官以言為責達于予聽當有據依僞肆誣曷可容貸爾
早有材器朕所東求不能靖共以營厥職輒形剋奏言涉不根妄議
慈闈姑從顯絀往務循省服我寬恩可

章惇貴授武昌軍節度副使潭州安置

元符三年九月己丑

勅依勢作威法所不赦懷謖達國罪何可逃用明去惡之刑以謹為

臣之戒其官某處心懷忍賦性陰邪自我先朝起居上宰為之不置
次輔所以責其成功奉遇之勤可謂至矣當思夙夜以盡忠嘉而乃
恣其凶暴之心靡有弼諧之助先皇帝天資仁孝勤儉愛人每形德
音具見惻怛及爾輔政肆行誕謾凡陳開導之言無非殺伐之事陰
挾仇怨妄肆中傷或稱謀危上躬或託謗訕宗廟擠除禁近視若孤
豚排斥搢紳棄如斷綆投之荒裔肯與生還存者恚為囚徒死者不
得歸葬數更沛宥莫或叙收廢格上恩竊弄威柄援引姦黨布滿要
途造作語言更相倡和有司觀望慘刻成風殺伐無辜道路以目乖
氣致異上天降山水旱連年民靡寧止爾之罪惡滋以貫盈自古姦
臣未有爾比近從薄責尚守大藩人言沸騰交達予聽固有常典宜
即嚴誅尚示寬恩俾之遠竄益務循省無重悔尤可

襲原羅給事中降兩官知南康軍制

九月三年
壬辰

勅給事黃門駁正違失朕所委任固亦不輕憊懷與心有害國政弗
加顯然何以示公承議即試給事中兼侍讀歷原儒學知名常被誠
摺荐以罪廢多歷歲年朕初御園召自蒲服寘之禁從仍侍經帷弗
公厥心委議政事為臣若此朕何賴焉降秩守廬尚為寬典往其自
省無重悔尤可

蔡京落端明殿學士提舉杭州洞霄宮制

元祐三年十一月庚午

勅朕紹庭上下陟降厥家小大之臣成以公選端人吉士寘于周行
衆正之路方開君子之風復長則昔之朋邪害政者朕將懲焉具官
某擢自神考際會忝陵上綴翰墨之華起居侍從之首為惡直醜正
之行捨奉法首公之下

原缺

力馬河數百里間費予邦財四十萬計地變陸海利入私門無魯相
拔葵之風有漢臣專利之橫煩言荐興按驗不誣大臣若此私咎將
誰執尚以久從左右姑務含容止銷秘殿之華資往即祠宮之休使
盡思內訟罔蹈後艱可

林希降職知揚州制

左右禁近義當一心儻或朋姦朕不敢赦資政殿學士通議大夫知
大名府林希早以才舉嘗列詞垣當惇樞朝曲懷阿附每形書命公
肆誕誣掩宣仁聽政之明蔽永泰知人之鑒言重亟至寔駭予聞事
上若斯有愧剴列不有隆黜人其謂何時示寬恩積從簿書尚假維
揚之重鎮止裁秘殿之崇資性體裕容無忌猶者可特授前官降充
端明殿學士知揚州

林希落職知揚州制

朋黨害政國有常刑居法申恩士有異論宜昭典憲用儆官師資政
殿學士通議大夫知大名府林希假竊王言醜詆多士附會率輔變
亂是非傳播四方靡不憤疾朕春禮禁近姑務含容罪大責輕衆不
汝貸言章繼至連予聽聞謂爾用心最爲犯義宜褫近職尚領藩符
體我寬恩益自循省可特落資政殿學士依前通議大夫知揚州

蔡卞落職提舉杭州洞霄宮太平州居住制

賞罰明則朝廷尊忠邪辨則遠近肅懷諛迷國法所不容醜正背公
罪焉可貸資政殿學士左正議大夫知江寧府蔡卞早被識擢荐歷
要途爰逮光朝遂與幾政莫效匪躬之節惟存罔上之心援引姦回
竊據要近已所不喜指爲姦朋構造語言陷害忠直擯斥流放禍及
子孫慘刻之風寢以成俗忠厚之政有愧於時朕初繼承姑務含貸
俾分符竹以便爾私罪大責輕難屈公議特褫近職仍領真祠往其

省猶無重悔尤爾自連戾匪朕無恩可特落資政殿學士依前提舉
杭州洞霄宮太平州居住

蔡卞降官守少府監分司居住制

王道不平率由比德國家之收常以官邪矧身位疑丞心懷險詖目干
清議非朕敢私左正議大夫提舉杭州洞霄宮蔡卞早以時才亟躋
通列不能勵行以砥節專為醜正以分朋羽翼腹心借先烈以籍口
招摠辜奏竊罔命以報仇媚疾善良肆加誣譖盤結根柢惟務中傷
跡其用意之不減皆非先帝之本旨姑從薄責俾領祠宮公論沸騰
典刑安在貶秩數等分務別都服我寬恩無重尤悔可特授中大夫
守少府監司 南京池州居住

曾布廣州司戶制

宰相之任所以儀刑百辟表正風俗苟或自弛匪彝適貨遠義挾私

治爰害于政事貴成之旨不亦悖乎責授賀州別駕衡州安置曾布
久束樞機進宅端拱陰縱諸子交通路遺流言沸騰律章交上疑駭
朕聽嘗試辦之簡字雁竟狼藉斯得覓尉無然重寢荒裔薄示視
削尚姿故居愈其省循服我寬宥可特責授廣州司戶叅軍員外置
依舊衡州安置

李昭玘特降一官罷起居舍人與外任差遣韓粹降一官
容縣降兩官制

勅具官某等朕惟虞主之設所以迎奉欽聖憲廟皇太后之神以嚴
祭享而致孝思者也爾等既聯厥事乃忘敬恭授受之時曾不省察
閱寔來上爾罪甚明先後重輕隨以降秩徃其惕厲服我寬恩可

率府率添差監隨州酒稅王厚責授賀州別駕郴州安置制
勅具官某朕惟祖宗以來仁覆天下因無此疆爾界之別間或興

師問罪亦以義濟仁而已非造兵而嗜殺也爾以選拔為將曾不是思而乃深入青唐蹂族部私其寶貨禍及無辜怨結人心動傷和氣按章來上深朕予衷儻不明正典刑何以厭塞公議點若散秩寵隸遠邦尚體寬恩勿忘循省可

張商英降知蘄州制

朕惟古者君臣之義咸有一德克享天心則懷貳以事上者不容於先王之時通議大夫新差知亳州張商英遭遇神考受階清華適當紛更遽易操守作為詞辭輒肆詆誣乃明元祐之姦類出訛上之語比如薄責未厭公言易守偏州庶知自訟祇寬服典無重悔尤可特授依前官知蘄州

李南公落職制

朕惟哲宗皇帝紹休繼體臨制萬方十有五年德澤深厚登祔廟室

詔祝安靈宜致隆高以嚴盛祀而有司失事焚制或愆棄禮愆神朕何敢恕龍圖閣直學士降授朝散大夫提舉西京嵩山崇福官李南公被遇泰陵擢參法從崇尚要秩出入顯榮遽啓堂筵賓專修奉而減于憲度鼎俎弗容無復建明職為觀望背恩阿勢既久乃彰姑褫直於河圖尚即安於閭里體予優假無怠省循可特落龍圖閣直學士依前降授朝散大夫致仕

王襄降官制

懷諼引類當寘嚴科貪寵傷庶尚循曲學究觀罪戾亟正典刑中大夫提舉西京嵩山崇福官王襄稟權譎之資挾怪迂之術內朝薦士潛推方伎之流廣坐延賓顓鼓陰陽之說頃從罷斥宜務靖共輒叩妄庸猥圖召擢致誦言之可畏始刻奏而上聞連逮獄辭震驚物論爰及按兵之將併彰受謁之辜有玷蕃宣何施願面朕方明罰勅

法惡術數之惑民爾寔廢人談天徇姦邪而抵禁褫官二等棄戎百
工尚體寬矜勿忘省循可特降中散大夫差遣如故

蔡肇落職宮祠制

珥筆近班剖符名郡苟虧端慎曷副倚毗朝請卽充顯謨閣待制知
明州蔡肇賦性傾邪持心輕傲登入真儒之室對有虛名晚登姦常
之門肆開醜語頃從蒲沈驟涉禁嚴顛結凶渠陰搆善政懷謗觀望
敢形頗僻之詞列職清華猥玷承宣之寄載披彈疏灼見禍心錮待
對之寵名俾省愆於真館向思寬貸毋重過尤可特授依前官落顯
謨閣待制提舉杭州洞霄宮

曾孝序落職知袁州制

職聯禁近當知事上之忠任重藩垣盍識尊君之義朝議大夫充顯
謨閣待制知潭州曾孝序頃分符竹宜守詔條內撫兵屯定專於師

帥外招徠洞必稟於朝廷僅號令之妄行顧威權而何在鎮寵名於內閣假事任於徧州服我寬恩勉旃自訟可特授依前官落頸誤閣待制知袁州

穆京散官安置制

中奉大夫提舉華州雲臺觀穆京厲世之風莫先於廉恥事君之義尤戒於誕謾爾頃以庸才超居大匠餽馬武夫之手陰詐薦論售金居吏之家虛張勝契逮從罷免曾蒙省循挾詐叫闕包署封獄究觀情狀灼見姦污聯侍從而列藩垣朕之待爾者固常厚矣徇貪婪而肆欺罔爾之事朕者寧不愧乎宜寘散員姑授善地勉思寬假毋重過尤可非責授唐州團練副使隨州安置

周彥質落職制

奉議郎直秘閣周彥質爾備員漕臣初乏心計玩習詔令視為虛文

宿通所償獨後諸路究觀贖慢宜示痛懲錮職褫官遠投篋庫毋忘惕勵以贖往愆可特降授宣德郎落直秘閣

孫義史降官制

承議郎守尚書刑部員外郎孫義史頃膺郡寄常撫兵屯廼強糴以據數仍取償於煮井既虧國體尋致人言宜貶秩以示懲其先心而思咎可特降授奉議郎守尚書刑部員外郎

許光凝降官制

剖符治郡職在承宣或組牧民義當撫鎮朝奉大夫降充顯謨閣待制知河陽府許光凝頃繇法從出守使藩偶大弊之更張方小民之扇惑招條具在有昧推行剽殺交興初無彈壓茲原情而定罪特貶秩以示懲尚體矜寬勿忘循省可特授朝請郎依前降充顯謨閣待制差遣如故

路瑗罷少卿制

朝奉郎守衛少卿路瑗寺卿之貳朝著甚高願匪端良昌膺棟拔爾以耄昏之晚節負貪穢之晚名按舉外臺失選士任人之寔典祠華省乏首公率職之虔以至就賜若於楚庭較餘金於齊館庶幾廉著彈疏荐聞宜罷直於周廬尚叨榮於支郡勉思恩假毋重悔尤可罷衛尉少卿

張閱等降官制

降授通直郎權發遣京畿提點刑獄公事兼提舉保甲張閱降授閤門通事舍人提舉京畿保甲兼提點刑獄公事賈君文等部使者糾察吏治為職况按刑之司在畿甸之近于爾等咸以時才擢將使指屬邑玩法再逸重囚爾於平時曾不兼檢察遂其已然乃始究治失刑縱惡誰之過歟褫官一尋往其循省閱可特降授宣德郎居文

可特降內殿承制閣門祇候並差遣如故

李諶散官安置制

勒停人前朝散即充顯謨閣待制李諶誤國欺君之士大惡原情定罪邦有常刑爾賦駟僨之資挾穿窬之智交通近習黨附巨姦屢致私書屬託子壻言章亟至公論弗容曾未上於典刑輒妄陳於符瑞逮加考驗悉出厚誣為臣若斯忠義安在斤副州團之寄永為姦宄之愆可特責授唐州團練副使安州安置

張仲英等降官制

朝散郎通判永興軍張仲英奉議郎焦輝爾等並膺委寄協贊藩條不思秉義以事君輒復朋姦而妄上妄陳符瑞爾等與謀鞠治具孚可無愆哉祇官二等任務皆循仲英可特授承議郎輝可特授承事郎

姚祐降官制

天官之貳銓鯨是司僕弗迪於官常願難逃於邦憲通奉大夫尚書
吏部侍郎同修國史充儀禮局詳議官姚祐頃繇權擇揚歷禁塗服
在選曹不思糾察黜胥舞法並緣為姦貨賂公行擬授失常逮令研
究灼見事情宜從降杖之科以示曠官之戒體予寬貸茲務省循
可特授太中大夫守尚書吏部侍郎差遣如故

劉元長降官制

宣義郎大理評事劉元長禁衛立法所以致嚴宸極之奉也邇者伎
術小臣輒干大憲爾職當論議曾不是思失刑之中迺從輕比誠法
如此罪將曷懲褫秋二階徃其循省可特降授承奉郎差遣如
故

張商英散官安置制

居下訖上法獨難客迷國懷緩義當共棄宜申邦憲用警官邪通
議大夫提舉西京嵩山崇福宮張商英賦性凶回稟資陰懷挾反
覆亂常之材有悖惡敢為之志陰比姦惡包藏禍心譏斥上及於
君親蓄憾報形於表奏以一時之紹述不與建明謂百端之紛更
肆為非毀彈章來上輿論未厭朕憐爾緣姦作邪失計忘本祠宮優
逸何顧冒居授竄遠方尚從散秩祇思寬典毋蹈後警可特責授安
化軍節度副使歸州安置

故責授舒州團練

州安置追復右光祿大夫呂大防特授

太中大夫故觀文殿大學士右正議大夫中太一宮使范純

仁落職餘如故制

崇寧元年五月庚午

勅尊主范氏人臣之職其事上則不敬其謀國則不忠犯義于刑孰
大於此爾等遭時難疚身處廟堂焉庶則惟奉淵嘿退朝則妄議宗

廟紛亂綱紀毀廢典常凡所用之人材靡不斥逐已行之法度靡不變更迨宣仁寢疾彌留泰陵年已及冠而委政閤寺莫肯以復辟為言輕視長君處之虛器推原罪惡何可勝諫紹聖躬攬萬機甫加竄逐朕入續大服與物更新而朋邪之人適復在位甄叙眷恤靡不過懷言路交章謂宜追改稍從裁削姑示至公尚其有知廢此明命可故責授雷州別駕化州安置追復左中散大夫梁燾降授朝靖大夫故責授揚州團練副使新州安置追復左中散大夫劉摯特降復右朝議郎追貶雷州別駕追朝奉郎王巖叟特降授寧遠軍節度行軍馬司追貶清海軍節副追復太子太保司馬光特授右正議大夫太子少傅致仕追復河東節度使太師開府儀同三司文彥博特降太子少保依前潞國公制上

勅尊主庇民人臣之職其事上不敬其謀國州不忠犯義干刑孰大於此爾等遭時艱疾身處廟堂坐簾則惟奉淵嘿退朝則妄議宗廟紛亂綱紀廢毀典章凡以行之法度靡不變更所進之人材靡不斥逐以道聽塗說施之政事而不恤於民情以朋比諂諛自謂諒直而固稽於士論蓋內懷怨望好勝遂外而忘君臣之義惟原罪惡其可勝誅紹聖躬攬萬機首加竄逐朕入續大服與物更新朋邪之人適復在位甄叙眷恤靡不適優言路文章謂宜追改稍從裁削姑示至公尚其有知膺此明命可

故朝奉郎蘇軾降授崇信軍節度行軍司馬制

上

勅爾蚤繇藝文擢真儒館嘗以謗訕抵罪神考赦而不誅元祐之間躋登華近扶持親黨鼓倡群邪肆為誣誣以逞怨望紹聖授之荒裔卿正典刑昨乃以謫恩復還朝著推原罪惡在所當誅追削故官

置之冗散庶其黨類知所創懲可

安燾降職制

同上

勅卿廟宗工義當體國或私懷怨望傾搖事功此而不懲何以厲世
觀文殿學士左尤祿大夫知可南府安燾被遇神考擢東樞衡泰陵
以其媚附元祐用事之人常加貶斥朕嗣位之始召還舊服固宜
益圖忠蓋以報寵靈而首倡姦言動搖邊計凡厥舊政務為紛更
朕體貌邇臣退之以禮而未加顯黜公議靡容降職近班尚居政輔
之列朕我寬宥往自省循可依前官降充端明殿學士差違如故

王觀降職制

同上

朕嗣位之始悉收放遂之士還置近列異其自新龍圖閣學士朝散
郎知潤州王觀服采于朝寔居華要而不自悛悔附會如初近守藩
州未加顯責稍從貶削姑厭群言朕我寬恩往自循省可依前朝

附下罔上誼動一時義所當懲亦難并貸觀文殿大學士右銀青光祿大夫提舉杭州洞霄宮呂惠卿須緣舊好分任帥權方于戈未戢之秋正將士希恩之際徇名責寔宜盡公心事君以忠矧存丕訓而乃肆形欺誕敷奏罔功遂令獎勸之方悉入僥求之計開其後悔咸以情言既罪戾之甚明在典刑而奚逭姑從褫職特傳寬科庶幾臣工自此知戒可

謝大璫降授承議郎依前給事中制

十月壬辰

勅國家外修鄰壤之好惟典掌故事是謹願雖言語儀物之末必致明慎及於吉凶之禮其可奈何以爾輒自從班往專使事躬行吊奠而左右從徒自有常制更衣以入有失舊章庸正厥愆薄言示責可

謝文璫罷給事中知濮州

朕責脩通臣用嚴常憲聽任必察黜陟惟公降授承議郎試給事中

充實錄修撰謝文雅頃以名稱亞登侍從而言者以爾反復趨附惟利之從考驗甚明士論喧沸朕雖置汝人其舍請罷職東臺一麾出守往欽成命毋忘省俯可罷給事中特校依前官知濮州

曾布落職提舉亳州太清宮太平州居住制

崇寧元年七月丙戌

勅輔弼之任職靡容私賞罰之權義無縱惡僅享寄委雖遲譴訶觀大殿大學士左銀青光祿大夫知澗州曾布被遇先朝進恭樞筆逮予續收權貳宰衡初無純美之誠以相維忠之志所好雖佞浮必錄所惡雖正直弗容指縱異意之人幾壞揚功之政迨其軋已始務改圖朕方虛寧仰成聽其悔過庶收後効待以不疑遂專威福之權盡引腹心之黨勢可炙手門如沸湯曾微獻替之忠屢贖矯誣之迹至使子壻縱橫市恩假託姻親密交婦女妄謂朋游之舊潛通賄賂之私坐合附下之圖更起無名之校苟知獲田而障水弗思蠹國而害民開

散郎降充龍圖閣直學士差遣如故

豐稷降職制同上

勅為人臣而不知所以事君之義居祿位而不知所以為政之方以是絕之何以勝責樞密直學士朝散大夫知越州豐稷頃緣元祐致位此班泰陵察其用心屏居外服朕於在宥之始選擢不次中司八座靡不踐更而進對之間首倡異論以善政良法為可改廢以附會姦黨為時忠賢變亂是非深駭朕聽矧元豐之際嘗居言路於政事法度未嘗有所建明語默異時可見朋比出守藩翰姑遂其請而未知典刑寔憐公議降秩內閣尚居從官往服寬恩益自循省可依前朝散大夫降充寶文閣待制差遣如故